



EX LIBRIS  
ILLVSTRISSIMI VIRI,  
DN. DAN. LVDOLPHI,  
LIB. BAR. de DANCKELMANN,  
S. REG. MAI. BORVSS. CONSILIARII  
STATVS INTIMI, cetera,  
BIBLIOTHECÆ ACAD. FRIDERICIANÆ  
TESTAMENTO RELICTIS.

*Ab. 52. j*



24

I. N. J.  
DISPUTATIO XXIV.  
**SELECTARUM  
THESIUM  
JURIS CERTI & CON-  
TROVERSI**

Ex Tit. j. d. Interdictis eiqve Titulis  
π. C. I. Theod. βασιλκ. & ζ.  
respondentibus.

*Quam*  
PRÆSIDE  
**JOHANNNE CHRISTO-  
PHORO Volk /**  
J. U. D. & P. Secund.

**BERNHARDUS Pflüger /**  
Hiddenhusâ Ravensbergenfis Westphalus.

**RESPONDENS**  
publicè defendet  
**IN AUDITORIO MAJORI**  
A. clc. lcc. LXXXII.

---

REGIOMONTI,  
PRÆLO REUSNERIANO,



**VIRIS**

*Præ-Nobilissimis, Amplissimis, Consultissimis atq;  
multarum rerum usu Prudentissimis*

**DN. JOHANNI CHRISTOPHORO  
Schreven/**

Sereniss. Elect. Brandenb. Principatus Mindensis Quaestori  
Provinciali meritissimo.

**DN. ALBERTO Pegauen/**

Seren. Elect. Brand. Camerae Prusiacae Sub-Magistro,  
& Districtuum quorundam Inspectori  
fidelissimo.

**DN. MARTINO Neuman/**

Seren. Elect. Brand. Camerae Prusiacae Secretario  
dignissimo.

**DN. PETRO Schreven/**

Seren. Elect. Brand. Secretario, ac in Prussia Tabelliorum  
Magistro vigilantissimo.

**Dominis Mœcenatibus, Fautoribus, Patronis  
atqve Promotoribus, omni honoris & reveren-  
tiae cultu æternum prosequendis,**

*Disputationem hanc juridicam in devotissimi affe-  
ctus tesferam, debitamq; omnis exhibitæ, ac  
perennandæ benevolentiae nec non ulterio-  
rem studiorum suorum commendationem  
cum voto perpetuae felicitatis, non immemor  
prestitorum beneficiorum, submissè dat,  
dedicat consecrat*

**BERNHARDUS Pflüger/**  
Juris Cultor.

I.



Ib. 4. Tit. 15. j. respondent' π. Liber 43. C. J. Lib. VIII. Tit. 1. 2. 3. usq; ad 10. Tit. 22. C. Th. Lib. IV. Tit. 21. 22. 23. βασιλ. Lib. 58. Tit. 14. 17. 20. 21. 22. 23. 24. ἄ. Lib. 2. Tit. 13.

II. Agitur in his Titulis (1.) de interdictis ingeneret t. t. j. π. C. Just. & βασιλικ. d. Interdictis (2.) de jure ex quò Interdicta manant vel universali nempe ex successione vel præcedente immissione in possessionem t. t. π. C. J. & Tb. Quor. Bon. t. t. π. & C. J. Qu. Leg. & d. Tabulis exhibendis. t. t. π. Ne vis fiat ei qui in possess. miss. vel singulari Religionis tuendæ ergò t. t. π. Ne quid in loc. sac. si. aut publicæ t. t. π. d. Locis & itineribus publicis. Ne quid in loco publico vel itinere fiat. d. Loc. publ. fruend. d. Via Publ. & si quid in ea fact. ess. dic. d. Via publicâ & itinere publ. resc. d. Fluminibus ne quid in flumine publico ripavè ejus fiat, quo pejus navigetur. Ne quid in flumine publico fiat quo aqua aliter fluat atq; uti prior. est. fl. Ut in flumine publico navigare liceat, d. Rip. muniend. aut privatæ utilitatis causa. t. t. π. d. Vi & Vi arm. t. t. π. C. J. & βασιλικ. Uti possid. t. t. π. d. Superfic. t. t. π. & βασιλ. d. Itin. act. priv. d. aq. quot. & estiv. d. Riv. d. Fonte d. Cloac. t. t. π. Quod Vi aut clam t. t. C. J. Si per Vim vel al. mod. t. t. π. d. Remiss. t. t. π. C. j. & βασιλ. d. Prec. t. t. π. d. Arb. sed. d. gland. leg. d. hom. lib. exhib. d. Lib. Exhib. Utrubi d. Migrand. t. t. C. J. & Tb. Unde V. t. t. ἄ. d. Rest. Spol. t. t. C. Th. Ultrum VI.

III. Circa Jus in Re duplex est controversia una principalis quæ concernit causam proprietatis & totam controversiam dirimit & finit: altera quæ spectat causam possessionis ut cum causa proprietatis est difficilioris nempe & longioris indagationis alter interim gaudeat commodo possessionis dum plenius de proprietatis jure cognoscatur arg. l. 2. in fin. C. Ubi in rem l. 13. C. d. R. V. l. 3. C. d. Interd. idcirco etiam leviores probationes sufficiunt in quò præcipuè utilitas Interdictorum consistit l. 24. d. R. V. Obtinuit inquit Imperator in §. 1. j. sub fin. d. Interd. Interdicta appellari quia inter duos dicuntur Reum & Actorem nullo dato iudice pedaneo in quem potissimum



num conciperentur. Sed hæc *derivatio* potius *allusio* est, & ea paulo remotior à proprietate verbi: sed illa quoque *allusio* est ab *Interim* dicta, donec de toto negotio plenius cognoscatur *arg. l. deinde 3. §. fin. π. d. Lib. Exhib.* Vera *Etymologia* est quæ dicuntur ab *interdicendo* quod verbum magis *proprie* prohibere aliquando etiam mandare & jubere significat. Nequeo *inquit* Plaut. *in Asin:* ego te *interdictis* *facere mansuetam meis*; & Cicero *in 7. Verrina*, cum Edictum Verri, quo prohibet ne pater gratis filium captivum invisere possit, *tyrannicum Interdictum* vocat. Per *tropum* dicebantur *formule* & *conceptiones verborum* quoniam *essentialiter* sunt *jussa* & *præcepta* quæ *olim* certis formulis constabant, sicut non rectè actiones ipsæ formulæ vocantur sed petitiones sub certis formulis instituendæ & proponendæ. Sed hac curiosâ solennitate verborum tam in Actionibus civilibus quam Prætorii *Lege Constantianâ* jam sublatâ *l. 1. §. 2. C. d. Form. §. impetr. subl. l. actio neq; gest. 47. §. 1. π. d. N. G.* hodie apud quemvis judicem actionibus utilibus ex causâ Interdictorum redditis sine ullâ solennitate agi potest *l. ult. C. d. Interd. Bachov. in Treutl. V. 2. d. 25. §. 1. lit. B. C.* Quod vero hæc de possessione maximè competentia & petitorii duntaxat præparatoria Interdicta nonnunquam proprietatis causam sive rei persecutionem cum possessione simul complecti dicantur *l. 2. §. quædam π. d. Interd.* quorum hic quatuor annotat post Cujac. *in par. C. d. Interd. Vultej. in pr. n. 43. §. 7. R. p. 550.* Id tamen magis sit ex qualitate Rei de qua agitur quæ Judicium Prætorium post se non admittit, quam ex natura & formâ Interdicti. testatur Wesenb. *in par. in fin. d. Interd.* Inter Interdicta *Adipiscendæ possessionis* primum est *Quorum bonorum* de possessione rerû hereditariarum restituendâ competens hoc duplex *directum* & *utile* Interdictum *Quorum Bonorû directum* est quod directo ex ipsis verbis & dispositione Edicti Prætoris competit successori Prætorio seu Bonorum possessori *l. 1. pr. π. Quor. bon. Althus. Diceol. l. 1. c. 139. n. 4.* *Utile* est quod ex interpretatione & mente Edicti etiam ad Successorem Juris Civilis porrigitur *Treutl. vol. 2. Diss. §. 8. d. lit. G. Peretz. in Cod. b. r. n. 2.* Hoc Interdictum introduxit Prætor. *l. 1. pr. π. Quor. bon.* ideo quòd quamvis successor jus hereditariarum rerum consequatur *l. 1. 3. pr. π. d. B. P.* possessionem tamen corporalem apprehendere obstrictus est *l. 23. pr. π. d. A. P. l. 1. §. 15. π. Si is quo. Testam.* eamque si alius fortè teneat, per hoc Interdictum, licet  
haud

haud desit hereditatis petitio, commodè petere potest *Zaf. in Comm.*  
*π. b. t. P. N. L. 3. T. 5. §. 19.* ex jure hereditario tum Testamentario,  
 tum Legitimo, tum possessorio tum FideiCommistario. *Objectum*  
 hujus Interdicti est possessio rerum hereditariarum *§. 1. 2. j. d. Interd.*  
*l. 1. pr. §. 1. l. 2. π. b. t. l. 1. 2. 3. C. eod.* Res verò hereditariæ dicuntur  
 quæ ejus de cujus hereditate controversatur fuerunt vel jure domini  
 vel possessionis *l. 13. π. d. R. I.* Hoc Interdicto secundum *l. un. C. Theod.*  
*Quor. Bon.* heredibus ea quæ in ultimum usque vitæ diem defuncti  
 possessio vindicavit traduntur corporaque ab eò, qui prò herede  
 vel prò possessore possidet in eos non obstante proprietatis causa  
 transferuntur. Quæ verba apertè impugnant communem illam sen-  
 tentiam de quâ videri potest *Menoch. d. acq. & retin. poss. remed. 4.*  
*n. 104. q. 29.* quod Interdicto Quorum bonorum agens Exceptio-  
 ne Domini possit repelli. Respuit enim id non tantum Interdicto-  
 rum omnium per se natura quæ nullius alterius quæstionis occursum  
 admittunt, quæ nullius occursum quamvis justissimus videri possit, re-  
 tardari aut impediri possunt, quod clarè *d. l. un. C. Th.* docent ver-  
 ba: Quid tam planius quam ut heredibus traderentur quæ in ulti-  
 mum usque diem defuncti possessio vindicasset, etiamsi quod possit  
 tribui de proprietate luctamen? Constat autem Virum ab Intestatae  
 Uxoris bonis superstitionibus consanguineis esse extraneum, cum pru-  
 dentium omnium responsa tum lex ipsa naturæ succesores eos fa-  
 ciat. Insuper etiam mansurâ perpetuâ sanctione jubemus, ut omni-  
 bus frustrationibus amputatis in petitorum corpora transferantur se-  
 cundaria actione *proprietas non exclusâ.* hinc mirè *l. ult. C. Just.* in-  
 terpolata est. Quibus verbis illud apertè definitur possessionis in-  
 terim causam in hoc Interdicto causam proprietatis prævenire; nul-  
 lamq; illi moram injici posse sub quacunque frustratione vel mini-  
 mam. Atque ita hac frustrationis voce Exceptio quoque Domini in  
 continenti etiam probandi excluditur.

IV. Alterum *adipiscenda possessionis* Interdictum est *Quod*  
*Legatorum* possessionis heredi competens de possessione rei legatae  
 occupatae restituenda. Dividitur in *Directum* quod directo & principa-  
 liter ex ipsis verbis Edicti Prætorii *arg. §. 16. j. d. L. Aquil. & utile*  
 quod non ex verbis Edicti sed ex mente atque sententia ob æquita-  
 tem & utilitatem aliis quoque Successoribus conceditur *l. 1. §. 3. Qu.*  
*leg. l. un. C. eod.* Causa impulsiva quæ Prætozem movit fuit tum he-

cedis favor *l. 1. §. 2. 13. π. Qu. Leg.* tum odium audaciae Legatarii. Quamvis enim in Legatarium à morte testatoris statim dominium rei legatae transferatur *l. 80. π. d. Leg. II. l. 64. π. d. Furt.* voluit tamen Praetor ut Legatarius non propria auctoritate occupet ejus possessionem sibiqve jus dicat, sed ut eam ab herede petat *l. 1. §. 2. h. t. junct. §. 1. j. d. Leg. & l. un. C. Neqv. in su. caus.* Competit hoc Interdictum bonorum possessori *l. un. C. h. t.* heredi sive sit legitimus sive Testamentarius sive nuncupativus sive scriptus *l. 1. §. 2. h. t.* sive directus sive FideiCommisarius *arg. §. 6. 7. j. d. FideiC. hered. l. 8. §. 1. Quib. mod. pign. solv. P&X. L. 3. T. 5. §. 15.* Consistit hoc Interdictum in petitione possessionis rei legatae ab aliò occupatae & detentae ex jure hereditario competenti *l. 1. §. 2. π. h. t.* ad possessionis rei legatae occupatae restitutionem & acquisitionem adipiscendam *l. 1. §. 1. 2. 8. 12. π. h. t.* unà cum fructibus *l. 3. π. d. Interd.* in hunc finem transfertur in heredem possessio rei legatae, ut ejus jus & interesse salvum maneat, tum ratione executionis, ut Legatarius ab ipsò herede petat & legatum accipiat *§. 1. j. d. Legat. l. 1. §. 2. π. h. t.* tum ratione Falcidiae ut heres eam à Legatis supra modum relictae deducat *l. un. C. h. t.* tum ratione electionis nè heres in quòvis legato teneatur præstare optimum *l. 37. pr. d. Leg. I.* Cesfat Interdictum Quod Legatorum si vel nullum sit Interesse heredis *arg. l. 1. §. 2. π. h. t.* vel res legata heredis Voluntate sit occupata *l. 1. §. 11. 12. 14. π. h. t. Menoch. d. Adipisc. poss. remed. 2. n. 30. & seqq.* vel si legatarius rem legatam à testatore ipso acceperit *l. 34. §. 1. π. d. Leg. II.* vel si heres satisdare recuset *l. 1. §. 16. 18. l. 2. §. 4. π. h. t.* Tertium adipiscendae possessionis Interdictum est *Salvianum* cujus authorem *Salvium Julianum* ICTum conditorem perpetui Edicti & cujus mentio in extremo *l. 2. d. O. I.* suspicatur *Cujac. in parat. D. d. Salv. Interd.* à quò dissentit *Treutl. Disp. d. 8. 2. lit. C.* Cum idem *Julianus* in hoc Edictum commentatus sit & alii plures *Salvii* fuerint teste *Juliano* in *l. 6. d. Leg. præstand.* unde colligi potest manasse fortè à Praetore aliquò *Salviò Giphano* ad *§. 3. j. directum* datur locatori praedii rustici adversus colonum ad possessionem rei pignori obligatae consequendam *d. §. 3. in f. j. d. Interd. l. 1. π. d. Salv. Interd.* Utile verò etiam Locatori praedii urbani contra Inquilinum *arg. l. 2. π. In quib. caus. pign. vel hypoth. tac. contrab.* male vero hoc utile etiam cuivis Creditori contra quemvis possessorem tribuitur *arg. d. l. 1. π. & l. 1. C. d. Salv. Interd.*

Nam



Nam in *l. 1. C. d. prec.* rescribit *Gordianus* Salvianum Interdictum tantummodo adversus Conductorem competere sed contra Emptorem sive singularem successorem Servianam aut quasi Servianam Actionem exercendam esse, quod idem est acsi dicatur, neque directò neque utiliter Interdictum dari. In *d. l. 1.* non agitur de rebus coloni, quæ alii sunt venditæ sed de rebus ab aliò debitore quovis oppignertis & distractis postea, de his verum est Interdictum non reddi sed Servianam aut quasi Servianam Actionem competere. Quod vero ad res coloni attinet, quas hic alii vendidit vera est sententia *d. l. 1. d. Salv. Interd.* Dominum adversus extraneum Salviano Interdicto recte experiri. Competit etiam contra Colonum partiarium, quoniam licet hic quidam simul socius sit, tamen etiam colonus est qui Domino fundi, & hinc in solidum Domino, tertiam vel dimidiam fructuû partem pro mercede annuâ præstat *Bald. in l. 5. C. Locat.* Cum Interdictum Salvianum detur pro consequenda possessione rerum pignori obligatarum, ideo *Trentl. d. V. D. d. Lit. g.* statuit dari adversus minorem cum bona ejus pro pensione obligentur *arg. l. 101. p. d. V. O. Disf. Menoch d. remed. n. 66. 81. & seqq.* qui n. 82. probat negantè opinionè, & statuit minoris bona tacitè non censerì obligata, hancq; sententiam verissimam & alteram ineptam ex *l. 101. d. V. O.* dicit *Bachovius d. lit. G.* vel quia explicatio illius textus dubia est, & opinio communior quod minor sine Curatore non obligetur, vel potius quoniam ab obligatione ad rerum oppignationem nulla est consequentia: cæteroquin efficeretur quod minor simpliciter etiam extra casum illationis bona sua possit oppignorare quod certò jure falsum est: *Interdictum Salvianum* expeditius est Actione Serviana quia sufficit in eo probare possessionem Debitoris *i. e.* quod tempore instituti Interdicti possideat, & quod res pignori fuerit obligata: in Serviana autem necessarium est probari rem tempore obligationis fuisse in bonis Debitoris: ut proinde Serviana videatur esse instar alicujus possessorii, Salvianum autem possessorium est, quò experiri commodius est *l. 24. d. R. V.* datur hoc Interdictum non tantum pro rebus illatis sed pro quibuscunq; aliis expressè pignori obligatis *§. 3. in fin. j. d. Interd.* Quod ad merces illatas attinet, ita jure est, ut si inquilinus sit mercator obligentur non singulæ merces in specie, quæ inferuntur, ut vendi non possint, sed quasi in genere dum aliæ in aliarum locum surrogantur, ita ut effectu illæ tantum pignori teneantur & pro iis persequendis Interdictum detur, quæ tempore illius instituendi penes debitorem extant *arg. l. pen.*

*In quib. caus. pign. tac. l. cum tabernam 34. d. pign. Jure Prusf. Pro-*  
datur non tantum contra conductorem sed adversus quemvis extra-  
neum possesforem *¶ X. L. 3. § T. d. A. 1. §. pen.*

V. *Retinenda* possessionis præcipua Interdicta sunt *Uti possi-*  
*deris* & *Utrub.* quorum illud ad res immobiles pertinet per quod pos-  
sesfor defenditur contra eum, à quò turbatur, interea dum de pro-  
prietate disceptatur, dummodò satsidet se non facturum eam dete-  
riorem, nam si id recusaret possessio transferretur ad adversarium  
satsidantem *l. un. C. Uti possidet:* Qui accepit ab alio licet vi vel clam  
vel precario te petentem vincit; non tamen si abs te accepit, nam sic  
à te possidet *l. 1. §. ult. D. Uti possid:* Adversus enim cæteros jure an in-  
juria possideam plus juris habeo quam qui non possidet *l. 2. π. §*  
*βασιλ. de Interd. Uti possid.* Si Ego & Tu rem eandem in solidum pos-  
sideamus quatenus à me injustè possides ego potior sum: si vero non  
à me, quamvis injustè possides neuter noster ab aliò vincitur *l. 3. π. §*  
*βασιλ. eod.* Quid si adversarius se Dominum probare velit, an vim  
hujus Interdicti impedire queat? N. quia separata est causã pos-  
sionis & dominii *l. 1. § 3. d. h. t. Fachin. lib. 8. c. 17.* Ideoqve turbator  
ordine de jure possessionis disceptare prius cogitur, ita demum  
victurus, si doceat adversarii vitiosam possessionem. Unde apparet  
eum quoque hoc Interdicto uti posse qui vi dejectus est, animo civi-  
lem possessionem retinens. Quemadmodum is quoq; ex cujus agro  
adversarius fructus aufert hoc Interdicto non vero *Unde Vi* experiri  
debet, idq; potissimum in rebus incorporalibus veluti decimis. Illud  
quoque notandum eò ipsò turbationem adversarii probari quod is in  
judicio possessionem sibi asserat *Bald. in l. ordinarii d. R. V.* Com-  
petit ei qui prò suo possidet sive civiliter sive naturalitè, sive justè sive  
non jure non etiam possidenti alienò nomine velut colono *l. 1. §. de-*  
*jicitur D. Unde Vi.* Quamvis hi quoque interim naturalitè i. e. cor-  
poralitè possidere dicantur, nam per hos Dominus ut possidet, sic &  
turbatur si ipsis vis fiat, qui tamen & judicis officio juvantur *l. 7. §.*  
*neg; D. Communi Div.* Excipitur si Colonus possessionem domino in-  
terverterit, eum recognoscere recusans; jam enim sibi possidet, ideoq;  
ut à Domino conveniri *Interdicto Unde Vi* potest, si illum aut ab eò  
missum exclusit à possessione ita ipse spoliatus ab alio adversus eum  
hoc Interdicto jam utetur *l. 12. l. 18. D. Unde Vi.* Idemq; erit etsi Co-  
lonus dejectus fuerit ab eò quem Locator miserat v. g. emptore: quia  
non

non ab eò sed à Domino vi possideat *d.l.18. Bronch 4. assert.24. §25.*  
Planè hoc Interdicto quoq; restituantur res depositæ vel commodatæ  
in locò, ubi quis turbatur, vel unde dejectus est *l. 1. §. quod D. d. Vi*  
*Diod. Tulden. Comm. in lib. 8. C.T.6.* Interdictum *Utrubi* spectat ad  
res mobiles, ideo explicatur per *Utro in locò Alciat.10. parerg.7.* quan-  
quam locus nihil ad hoc Interdictum faciat, quoniam ubicunq; ser-  
vus possessus fuerit, vel possessus dicatur hoc Interdictum locum ha-  
bet. Verior est sententia *Accursii in l.1. D. Utrubi § Salicet. ad Rubr.*  
*C. Uti possid.* quod Prætor hoc verbo *utrubi* respexerit ad duas perso-  
nas possessionem sibi asserentes & nihil aliud. significet, quam apud  
quem: Codex Theodosianus pro *Utrubi* habet *Utrum Vi.* Quia  
hoc interdictum ad rerum se moventium & mobilium possessionem  
pertinet, ideo & fugitivis coloni nomine bonæ fidei possessori datur.  
Interdictum *Utrubi* in *l.un. C. Theod. d.t. Utrum Vi.* Si coloni quos  
bonâ fide quisque possedit ad alios fugæ vitio transeuntes necessitatem  
conditionis propriæ declinare tentaverint bonæ fidei possessori pri-  
mum oportet & celeri reformatione succurri, tunc causam originis  
& proprietatis agitari, non expectatis temporibus nec denunciatio-  
ne solenni quæ locum in iis negotiis non habebunt. Cum qua con-  
venit *l.14. Agricol. cens. § col.* Utrumque hoc retinendæ possessionis  
Interdictum confirmatur Jure Prut. Prov. *L. § T. d. A. 2. §. 1. 2. usq; ad*  
*8. inclusive.*

VI. Interdictum *recuperandæ* possessionis interdictum *Unde*  
*Vi* quo experitur is qui vi de possessione rei immobilis dejectus est,  
adversus eum, qui dejecit vel mandavit, aut ratum habuit ad recu-  
perandam possessionem cum omni causa *§. 6. j. d. Interd.* Datur hoc  
Interdictum non quidem colono aut inquilino *arg. l.1. §. 9. π. h.t.d.*  
*Vi § d. Vi arm. Bronch. cent. 4. assert. 25.* sed cuivis possessori dejecto  
etiam prædoni manifesto contra ipsum Dominum *l. 17. π. d.t. l. un.*  
*C. Si per vim vel al. mod. l. 7. C. Ad. L. Jul. d. Vi publ.* Absentium  
etiam securitati & possessioni adversus vim defendendæ recuperan-  
dæq; consulit Imp. Constantinus *A. Severo in l. 1. C. Theod. Unde Vi*  
*rescribens: Judices absentium qui cujuslibet rei possessione privati*  
*sunt, suscipiant in jure personam & auctoritatis suæ formidabile*  
*ministerium objiciant, atq; ita tueantur absentes. Hos tamen judices,*  
*quos absentium jussimus subire personam, intra hos terminos mini-*  
B *sterii*

serui retinemus, ut illibatis atque omnibus integris cause principalis internis, id solum diligentèr inquirant utrum ejus qui quolibet pacto peregrinatur, possessio oblata est quam propinquus vel amicus vel servulus quolibet titulo retinebat: Nec hos qui dejecti sunt, absentium nomine possidentes quia nomine ipsis cause dictio mandata sit, ab experiunda re secludant: Nec si servi sint, eorum rejiciant in jure personas, quia hujusmodi conditionis hominibus causas orare fas non sit: Sed post elapsa quoque spatia recuperandæ possessioni legibus præstituta, litigium eis inferentibus largiri conveniet, ut eos momentanea perinde possessioni restituant, ac si reversus Dominus litigasset. Cui tamen quolibet tempore reverso actionem recuperandæ possessionis indulsumus quia fieri potest, ut restitutio propter servulos infideles vel negligentes propinquos vel amicos & colonos interea differatur: absentem enim officere non debet tempus emensum quod recuperandæ possessioni legibus præstitutum est. Sed reformato statu qui per injuriam sublatus est omnia que supererunt ad disceptationem litigii immutilata permaneant, judicio reservato justis legitimisq; personis cum valde sufficiat possessionem tenentibus absentium nomine contra presentium violentiam subveniri. Coercet Constantinus hac Constitutione invasionem alienæ rei & possessionis quia perviæ sunt semper injuriis facultates absentium & quodammodo videtur occasio homines in delictum trahere, quæ non potest animum pervadentis de resultatione terrere. Hanc Constitutionem Justinianus ad vacuum absentium possessionem usurpatam extendit *l. ult. C. Unde Vi & t. t. C. 7. Si per vim vel alio modo poss. abs. perturb. sit. Menoch. rem. recup. poss. 12. à. n. 14.* In heredes etiam cæterosq; successores competit in id quod ad eos pervenit, vel dolo malo eorum factum est quo minus perveniret *l. 1. §. ult. l. 3. pr. l. 9. π. d. Vi & Vi arm.* Contra singularem tamen successorem non concedi verius est *l. 7. π. d. t.* Datur hoc Interdictum non tantum adversus eum qui ipse sed & eum cujus familia nec jubente nec ratum habente Domino dejecerit, etsi ejus filiusfam. aut mercenarius dejecerit aliquem tenetur *utili Interdicto*, quod si nihil ad Dominum ex hoc Servi delicto pervenit dolo malo eorum factum sit quo minus perveniret noxæ deditio Dominus liberatur *l. 1. §. 15. & 20. h. t.* Porro contra eum qui clam ingressus est possessionem alienam Interdictum hoc non datur quoniam illud proponitur ei qui vi dejectus est non potest autem

autem vis videri commissa ab eo qui clam possessionem absentis occupavit, sed contra eum competit Interdictum Uti possidetis *l. 3. in pr. l. ult. Uti possid.* Potest possessio aliena invadi & interverti etiam sine vi ideo cessat subscriptio in poenam talionis, quo fit ut interdictum momentaneæ possessionis à temporis brevitatem dictum expeditur quia statim sine Exceptione restituitur possessio *l. 6. C. Unde Vi.* Qui civiliter agit Interdicto Unde Vi vel Actione in factum loco Interdicti ad id contendit ut ei à violento possessore restituatur possessio, & id quod sua interest præstetur, si autem criminaliter agat. ex *L. Julia d. Vi publicâ* ad poenam concludet deportationis, quam publicatio bonorum sequitur *l. 10. §. ult. π. Ad L. Jul. de Vi publ.* Etiam capitis si quis ex suis ea vi occisus fuerit *l. 6. C. eod.* Ex Lege autem *Julia de Vi* privata poena est publicatio tertiæ partis bonorum & infamia *l. ult. π. Ad L. Jul. d. Vi priv.* Ex Constitutionibus Principum aliæ quoque sunt pænæ pro factorum varietate. Nam ex *Constitutione D. Marci* Creditor qui suum Creditum sive pro eo rem Debitoris, vel pecuniam non ab illo sibi datam, ipse sua sponte & sine iudice occupaverit creditum suum amittit. *l. 7. π. Ad L. Jul. d. Vi priv.* Itemque in *l. 1. in fin. D. Pius rescripsit* nullam vim nautis fieri debere & si quis fecerit ut severissime puniatur. Propter violentiæ gravitatem, quæ furoris audacia vocatur. *Valentinianus* statuit ut si quis rem alienam mobilem vi rapere vel immobilem apud Fiscum vel privatum constitutam violenter invadere ausus fuerit post rei restitutionem ejusdem quoque veram æstimationem vim passio præstare compellatur. Si vero invasoris res propria sit non solum eam veteri possessori restituat, sed etiam ejus rei dominium amittat non quidem ipso jure sed per declaratoriam Judicis sententiam *l. 7. C. h. t.* Qui civiliter agit Interdicto Unde Vi non prohibetur ex prædictis Legibus criminalem Accusationem instituire quia civilis Actio criminalem non consumit *l. 4. C. h. t. l. un. C. quand. civ. Act. crim. præjud.* Vis iudicis vi à privato commissæ comparatur. *d. l. 6.* Et Spoliatus à iudice juris ordine prætermisso ante omnia restituatur. *C. 7. de Rest. Spol.* Interdum spoliato denegatur restitutio quando ex restitutione magnum aliquod incommodum timetur, aut saltem differtur restitutio tantisper dum adversus illud incommodum satis prospectum fuerit. Hinc est quod Viro Uxoris restitutionem postulanti, vel è contrariò, Restitutio denegatur ut puta

¶ Conjugum alter altero absente adulteratus fuisse convincatur C. 4.  
¶ d. Divort. nisi mutua adulterii replicatione juvetur c. pen. & fin.  
¶ d. Adult. Si quoque Consanguinitatis vel affinitatis in gradu pro-  
hibitō existentis impedimentum allegetur atque in continenti pro-  
betur c. 13. ¶ d. Rest. Spol. Si etiam maritus uxorem capitali odio ita  
persequatur, tantaque ipsius savitia sit, ut mulier se curā esse non pos-  
sit c. 8. ¶ d. t. Deinde si Uxor quæ à marito discessit se Virginem asse-  
rat atque Religionem professa sit c. 14. ¶ d. prob. De Jure Civili eti-  
am notorius prædo spoliatus restituendus videtur l. 7. C. Ad L. jul. d.  
Vi pub. l. pen. §. 2. C. d. præscr. 30. ann. l. 4. §. 26. π. d. Usucap. Fachin.  
l. 8. c. 10. Si tamen statutum aliquod recederet à Jure Communi pro-  
iniquo haberi haud posset quia spoliatus dolo agit dum petit posses-  
sionem quam mox restitutus est l. 8. π. d. dol. mal. & met. Except. Fa-  
cit quod habet l. 31. π. dep. Depositem reddendum esse deponenti, ni-  
si aliud justior causa exigat, ut in casu quo Dominus verus cum præ-  
dō concurrat. Non enim est Legis fovere alicujus malitiam sed u-  
nicuique suum tribuere. Perez. ad h. t. n. 9. 12. 13. & seqq. Hoc Inter-  
dictum una cum pœna civili & criminali confirmatur Jure nostro.  
Prut. Prov. d. L. T. toto A. 3.

VII. Tituli ne Vis fiat ei qui in possessionem missus erit, verba sunt.  
Interdicti prohibitorii, sed adjunctum statim complectitur restitutorium  
veluti in possessione: Quod dolo malo factum est quo minus is in pos-  
sessionem bonorum veniret id restituat, atq; etiam pœnalis Actio quæ  
proponitur l. 1. Itaq; si quis post redditum Interdictum prohibitorium  
dolo fecerit quo minus quis in possessione bonorū sit is vel Interdicto  
Restitutorio tenetur vel coërcetur actione in factum pœnali. Hæc A-  
ctio pœnalis excepta legatorum missione, intra annum competit, &  
non postea. Non datur in quantum ea missio est quæ custodiam po-  
tius quam utilitatem misso Creditori adfert: sed quanti eā res est ob-  
quam in possessionem quis mittitur l. 1. in pr. h. t. Ne vis si: Quæ cum  
possessione longè sit impensior meritò hæc Actio pœnalis dicitur &  
neque enim damnum quod quis ob impeditam factō alterius, ere-  
ptamq; possessionem habet, sed omne illud continet, cujus gratia  
possessio decreta fuit. Si quis ex causa Actionis consecutus, quanti-  
res est, an supersit Actio contra debitorem? controvertitur Bach. in  
not. ad W. existimat si ipse debitor prohibuerit & conventus præstite-  
rit, quod interest, nullam superesse Actionem. Sed difficultatem esse,  
an.

an si tertius id præstiterit Actio in Debitorem detur? quæ distinctio tradita est in *l. 3. §. 15. π. d. Tab. Exhib. putat* tamen simpliciter etiam si tertius præstiterit liberatum esse debitorem. In Interdicto de *tabulis exhibendis* hæc ratio diversitatis est, quod Reus tenetur ad exhibendas tabulas quas penes se habet, quas cur non exhibeat ut maxime tertius Interesse præstiterit, causam non habet, etsi non faciat contumaciam committit. Interdictum de tabulis exhibendis ei competit qui Testamento aliquò heres institutus est, aut aliquid sibi adscriptum habet, adversus eum, qui tabulas Testamenti supprimit, easve exhibere posse negat: ad hoc ut eæ tabulæ exhibeantur, aut Actori præstetur, quanti interest, eas tabulas exhibitas fuisse. *l. 1. l. 3. §. 11. d. tab. exhib. P. D. L. & T. d. A. 2. §. 23.* Intentatur ab omnibus quorum interest *l. locum 3. §. 10. & 11. h. t.* horum namque censentur esse tabulæ *l. tabularum 2. π. quemadm. Testam. ap:* adversus tabulas possidentes vel detinentes *l. 3. §. sitabula 2. & 3. h. t.* cujuslibet scil. ultimæ Voluntatis sive sit Testamentum sive Codicillus sive qualiscunque libellus *l. 1. in pr. l. 3. §. 13. & §. 8. Ad Exhib:* Vel dolo malo possidere desinentes *l. 1. in pr. l. 3. π. h. t.* Qui & nonnunquam publicò *L. Corneliae* iudicio cui hoc Interdicto nullum præjudicium struitur *l. 9. §. 2. π. d. dol. mal.* Idqve post annum vivit *l. 3. §. 16. h. t.* & heredi cæterisque succesoribus datur, quamvis in heredes non competat, nisi locupletiores facti vel in dolo sint *l. 12. §. fin. π. Ad Exhib.*

VIII. De *Divinis rebus* generale Interdictum est *t. t. π. Ne quid in loco sacro fiat* ad detrimentum. Ex hoc Interdicto cuilibet de Populo datur Actio *l. 10. C. d. Episc. & Cler.* quia interest publica loca Sarta tecta que servari *l. 2. §. 1. Ne quid in loc. publ: In t. t. d. Locis & itinibus publicis Interdictum* est veluti *petitorium*, juris publici tuendi causa: ut constituatur via publica collatione facta ex agris privatorum & *populare*. Interdictum *prohibitorium* datur ne quis in loco publico quid faciat, in ve eum immittat quâ ex re quid illi damni detur, præterquam quod Lege SCTo Edicto decretòve Principum Tribi concessum est: *l. 2. in pr. π. Ne quid in loc. publ. vel it. fiat:* de eo quod factum erit, Prætor negat se iudicium daturum, ne scil. ruinis urbs facillè deformatur *d. l. 2. §. Si quis nemine.* Hoc Interdictum *populare* est. Datur enim ex eo cuilibet de populo Actio & quidem perpetua *d. l. 2. §. hoc interdum 34.* Non enim facillè debuit præscribi

quæ publicam utilitatem eamq; pecuniariam continet: nam publica non præscribuntur *l. competit C. d. præscr. 30. ann.* Datur autem adversus quemvis in publico aliquid molientem in hoc ut caveat non fieri *d. l. 2. §. quis Nemine h. t.* sequitur aliud Interdictum prohibitorium, *t. t. π. d. Loc. pub. fr.* ne publicanis qui conduxerunt areas insulas, balnea, porticus lacus aut stagna vel his quos in eâ conductione socios sibi adjunxerunt, vis fiat, quo minus ex lege Locationis publicis locis fruantur extra quam si quis cui id concessum est statuat vel imaginem in publico loco ponere velit, hoc enim potest invitis conductoribus si Senatus aut Princeps permiserit. Permisu opus est ex Edicto Claudii quod refert *Dio. 58.* nisi quis publicum opus ædificet vel reficiat. Huic quoque rei provisum est urbanis prædiis *t. t. π. d. Via publ. & si quid in eâ fact. es. dic.* Urbanis enim viis prospicitur Edicto Ædilium Curulium, penes quos harum cura est, qui vetant aliquid immittere facere in viam publicam, quod prætereuntibus aut impedimento aut noxæ esse possit: jubentq; projicere unumquemq; juxta propriam domum viam publicam reficere & purgare *l. un. h. t.* De via rustica est *totus titulus π. d. Via publ. & it. publ. ref.* In quò proponitur Interdictum *prohibitorium & populare*, nè vis fiat ei qui viam publicam iterve publicum reficere velit. Sed si quid damni detur in specie refectionis, ut si quis viam publicam rejecerit in fundum vicini, *Legis Aquilie Actio* est, ut quæ in ripa reficiendâ obtinet *l. 1. §. ult. d. Rip. mun.* eadem obtineat in via reficienda.

IX. *Optimè* quoque Interdicto cavetur *ne aqua aliter fluat*, quia Natura ipsa rebus mortalium consuluit magis, quam ut eam Ars hominis superare queat, ideo *Forstnerus in not. ad Tacit. l. 1. Ann. c. 79. inquit:* Fluminum derivationes vix unquam benè successisse, perpetuâ observatione notatum esse: Nec enim sibi naturæ vim inferri patitur. Nec licet in flumine publico ædificare nisi Principis aut Magistratus autoritate *l. 2. §. Si quis à principe D. Ne quid in loc. publ. l. 18. §. 1. l. 23. D. d. Aq. pluv.* si flumen sit navigabile *l. 2. D. d. Flum.* Nec potest magistratus concedere aquæ ductum si flumen minus navigabile efficiat *d. l. 2.* Ripæ etiam fluminum probè sunt muniendæ *t. t. D. d. Rip. mun.* Licet etiam mihi si in agro meo inferiori magna sit abundantia aquarum perveniens ex agro superiori aggeres & foveas habere ut aqua ad aliam partem transeat, agerque



agerque meus illa exoneretur, ni saltem pactum in contrarium ob-  
 stet *l. 1. §. 23. π. d. aq. pluv.* Quod si aggerem qui in fundo vicini  
 superioris erat vis aquae dejecit, & ita aqua pluvia mihi noceat, tum  
 si naturalis agger fuit, potest vicinus cogi aquae pluviae arcendae a-  
 ctione ut eum reficiat *l. 2. §. 5. π. eod.* Quod si vero flumen publi-  
 cum excrescere mihiqve damnum dare solet ob inundationem tum  
 licitum mihi est aggerem vel aliud ad defensionem praedii mei oppo-  
 nere *l. 1. §. 7. D. Ne quid in fl. pu.* Rivus differt à flumine magnitu-  
 dine *l. 1. §. 1. D. d. Flum.* Si per fundum jus mihi est aquam de rivo  
 ducere, haec jura tacite sequentur, ut reficere mihi rivum liceat, &  
 adire quas proximè possim ad reficiendum. Ideo quasi possessio-  
 nis ratione varia ebulliunt Interdicta respicientia aquaeductum vel  
 aquahauftum. Aquaeductum vel in usu vel in conservatione. Illius  
 nomine inveniuntur Interdicta de aqua quae perennis est *l. 1. §. 5.* du-  
 ci potest *§. 6.* & praeterea capite ducitur *§. 7. 8. 39. h. t. d. aq. quoti-  
 diana* quae quotidie ad usum nostrumqve commodum duci potest  
*l. 1. §. 2. 3. 4. §. 11. h. t.* & aestiva quae aestate tantum ad irrigandos agros  
 ducitur *l. 1. d. §.* quae interdum *prohibitoria* interdum *restitutoria*  
 succesforibus competentia *d. l. 1. §. 29. §. 39.* Itemqve ea quae ex  
 castello ducitur. *l. 1. §. 41. 42. h. t.* Hujus causa proditum est Interdi-  
 ctum de rivis *t. t. d. Riv.* De aquahauftu quo & comprehenditur pe-  
 coris ad aquam appulsus *l. 1. §. 2. d. Font.* Interdictum redditur de  
 fonte it. lacu puteo piscina *d. l. 1. pr.* Si rivum tamen aqua habeat  
 unde ad cisternam imbris conceptam hoc Interdictum non per-  
 tinet *d. l. 1. §. 4. P. R. L. §. T. d. A. 2. §. 13. 14. 15. 16.*

X. Pari modo de *cloacis* seu locis concavis per quae colluvies fluit,  
 ut sunt tubi fistulae canales *l. 1. π. d. Cloac.* duplex Interdictum editur al-  
 terum *prohibitorium* de non impedienda cloacarum purgatione *l. 1.  
 pr. h. t.* quia purgatio earum ne sordium culinarium copia indeqve  
 exurgente faetore, aer inficiatur, ad bonum spectat publicum, alte-  
 rum *restitutorium* ut restituatur quod in publica cloaca factum sive  
 immisum ut ejus usus deterior fiat; Utrumqve Interdictum Jus  
 nostrum Pruten. brevissimis includit verbis seqq. *Si quis à vicino  
 suo vel alio in cujus aedes cloaca pertinet; quo minus eam purgare,  
 aut reficere possit, prohibeatur, aut si vicinus in eam aliquid immit-  
 tat, quo cloaca usus impediatur, competit ei hoc Interdictum P. R. L.  
 d. L. T*

*d. L. T. A. 2. §. 17.* Interdicto *Quod Vi aut clam* vel de operis novi  
*nuntiatione* non tenetur qui opus fecit post nuntiationem, si  
 remissionem nuntiationis à Prætorè impetraverit: quin imò ut cui  
 nuntiatum est novum opus, post Satisfactionem de opere restituendo  
 datur Interdictum prohibitorium; Ne vis fiat ædificanti *l. 20.*  
*§. deinde op: nov. nunt:* ita post remissionem seu abolitionem  
 nuntiationis operis novi à Prætorè factam *t. t. π. d. Remisf.* ei  
 dabatur Interdictum adsimile. Interdictum *deprecario* competit  
 ei qui precario dedit adversus eum qui precarium habet, ut id  
 restituat. Nam quod quis precario respectu vicinitatis aut ami-  
 citiæ alicui concessit, id ad nutum revocabile est *l. 2. §. 3. π. d. prec.*  
*l. 3. §. 4. & 6. eod. P. & R. d. l. T. & A. 2. §. 18.* Interdictum de arbori-  
 bus quæ vicino officiant *cadendis* quoad urbanum prædium ita se  
 habet: *quæ arbor ex adibus tuis in ades illius impendet; si per te*  
*stat quo minus eam adimas, tunc quo minus illi eam arborem; a-*  
*dimere sibi que habere liceat vim fieri veto* *l. 1. in pr. π. d. Arb. ced.*  
 De iis quæ in agro sunt alio modo interdicit *l. 1. §. pen. eod. P. & R. d.*  
*L. T. A. §. 19.* Interdictum de glande cujus nomine omnes fructus conti-  
 nentur *l. 236. §. glandis d. V. S. competit intra triduum l. un. π. d. gland.*  
*leg.* Hoc jure *Sax. & Prut.* non obtinet quo fructus in alienum  
 fundum pendentes aut cadentes possessori ejus fundi indistinctè con-  
 ceduntur *S. & R. L. 2. a. 52. Fachs. diff. ult. par. 1.* Adversus detinen-  
 tem dolo malo datur *Interd. d. lib. hom. exh. t. t. d. Lib. hom. exh.*  
 Hoc excipit quod proponitur in *t. t. π. d. lib. exhib.* Interdictum  
*de migrando* Inquilino proponitur qui solutâ pensione vult  
 migrare *t. t. π. d. migrand. toto §. 21.*  
*P. & R. d. L. T. & A.*



Kc 3004

ULB Halle

3


003 757 714



Bitte nach Ausleihe an  
Frau Richter. 1  
Sammelbd. ? oder  
Inhaltliche Werte ?

von 125





B.I.G.

Farbkarte #13



24

N. J.  
 TIO XXIV.  
**ETARUM**  
**SIUM**  
**RTI & CON-**  
**VERSI**  
 rdictis eiꝑve Titulis  
 d. βασιλικ. & ἱερ.  
 dentibus.  
 uam  
**ESIDE**  
**E CHRISTO-**  
**O Volk /**  
 & P. Secund.  
**DUS Pflüger /**  
 sbergensis Westphalus.  
**NDENS**  
 e defendet  
**ORIO MAIORI**  
 c. LXXXII.  
 MONTI,  
 USNERIANO,

